



## ORDENANZA NÚM. 11

### ORDENANZA FISCAL REGULADORA DA TAXA DA REDE DE SUMIDOIROS

#### **Artigo 1.- FUNDAMENTO E NATUREZA.**

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases de Réxime Local, e de conformidade có disposto nos artigos 15 a 19 da Lei 39/1988, de 28 decembro, reguladora das Facendas Locais, este Concello establece a **Taxa pola prestación do servizo de rede de sumidoiros**, á que se refire o apartado letra r) do número 4 do artigo 20 da citada Lei 39/88, que se rexerá pola presente Ordenanza Fiscal.

#### **Artigo 2.- FEITO IMPOÑIBLE.**

Constitúe o feito imponible desta taxa:

- a) A actividade municipal, técnica e administrativa, tendente a verificar se se dan ás condicións necesarias para autorizar a acometida á rede de sumidoiros municipal
- b) A prestación dos servizos de evacuación de excretas, augas pluviais, negras e residuais a través da rede de sumidoiros municipal.
- c) Non estarán suxeitas á taxa as leiras derruídas declaradas ruinosas, ou que teñan a condición de solar ou terreo, sempre que non fagan uso da rede de sumidoiros.

#### **Artigo 3.- SUXEITO PASIVO.**

1. Son suxeitos pasivos contribuíntes as persoas físicas ou xurídicas e as entidades a que se refire o artigo 33 da Lei Xeral Tributaria, que utilicen ou se beneficien dos servizos prestados.
2. Serán responsables solidarios ou subsidiarios das obrigacións tributarias do suxeito pasivo as persoas físicas ou xurídicas, consideradas para estes efectos como tales nos artigos 38 ó 40 da vixente Lei Xeral Tributaria.

#### **Artigo 4.- COTA TRIBUTARIA.**

A cuota tributaria desta taxa será a que figure no anexo desta Ordenanza.

#### **Artigo 5.- EXENCIONS E BONIFICACIÓNS.**

Estarán exentos do pagamento desta tarifa:

- a) O Concello para a totalidade de edificios, vivendas, locais, establecementos e instalacións de propiedade municipal.
- b) As que veñan establecidas en Tratados ou Acordos Internacionais ou en normas con rango de Lei.

#### **Artigo 6.- DEVENGO.**

1. A taxa devengase cando se inicie a actividade municipal que constitúe o seu feito imponible, prorrateándose por trimestres naturais, e incluíndose o contribuínte no Padrón correspondente.
2. Enténdese iniciada a actividade municipal:
  - a) Na data de presentación da oportuna solicitude da licenza de acometida, se o suxeito pasivo a formulase expresamente.
  - b) Dende que teña lugar a efectiva acometida á rede de sumidoiros municipal. O devengo por esta modalidade da taxa producirase con independencia de que obtivera ou non a licenza de acometida e sen perxuizo da iniciación do expediente administrativo que poida instruírse para a súa autorización.
3. Os servizos de evacuación de excretas, augas pluviais, negras e residuais, teñen carácter obrigatorio para todas as fincas do Municipio que teñan fachada a rúas, prazas ou vías públicas nas



que exista rede de sumidoiro, sempre que a distancia entre a rede e a finca non exceda de cen metros, e devengarase a taxa aínda cando os interesados non procedan a efectuar a acometida á rede.

#### **Artigo 7.- LIQUIDACIÓN E INGRESO.**

1. Cando se presente a solicitude de licenza de acometida liquidarase e esixirase a taxa correspondente en calidade de depósito previo.

2.- Se se realiza a acometida sen mediar solicitude procederase a liquidar e notificar esixíndose o ingreso nos prazos previstos no Artigo 20 do Regulamento Xeral de Recadación, sen prexuízo da apertura do correspondente expediente sancionador por infracción tributaria .

3. Unha vez autorizada a acometida, a xestión e recadación desta taxa acomodarse ao procedemento previsto para os valores recibo ( padrón, censo etc.).

#### **Artigo 8.- INFRACCIÓNS E SANCIÓN S**

Nesta materia estarase o disposto no artigo 77 e seguintes da Lei Xeral Tributaria.

#### **DISPOSICIÓN FINAL**

A presente Ordenanza fiscal, cuxa redacción definitiva foi aprobada polo Pleno da Corporación en sesión celebrada o día 30 de Outubro de 2003, entrará en vigor o mesmo día da súa publicación no Boletín Oficial da Provincia e será de aplicación a partir do 1 de xaneiro de 2004.

#### **ANEXO**

##### **1.- TARIFA.**

a) Por dereitos de acometida á rede (esixirase por unha soa vez):	
• Por vivenda unifamiliar.....	430,68 €
• En edificios colectivos, cada vivenda ou local .....	215,36 €
• En establecementos industriais, comerciais e outros .....	430,68 €
b) Por prestación do servizo de rede de sumidoiro.	
• Por vivenda .....	5,38 €/trimestrais
• Por establecementos industriais, hoteleiros, cafetarías, bares, adegas, estacións de servizo e similares .....	16,44 €/trimestrais
• Por outros establecementos comerciais e pequenas industrias artesanais.....	7,18 €/trimestrais

**Aprobacion definitiva** 30 de Outubro de 2003

PUBLICACION NO B.O.P. núm. 247 do 23 de decembro de 2003.

#### **Modificacions:**

- no B.O.P. núm. 245 do 22 de decembro de 2004, aprobada polo Pleno o 14 de Outubro de 2004.
- no B.O.P. núm. 235 do 9 de decembro de 2005, aprobada polo Pleno o 29 de Setembro de 2005.
- no B.O.P. núm. 244 do 22 de decembro de 2006, aprobada polo Pleno o 2 de Novembro de 2006.
- no B.O.P. núm. 249 do 28 de decembro de 2007, aprobada polo Pleno o 9 de Novembro de 2007.
- no B.O.P. núm 227 do 25 de novembro de 2011, aprobada polo Pleno de 29 de setembro de 2011.
- no B.O.P. núm. 248 do 28 de decembro 2012, aprobada polo Pleno de 07 de novembro de 2012.